



## PROGRAM ODRŽIVOSTI CIVILNOG DRUŠTVA U BIH (CSSP)

### PITANJA I ODGOVORI – JAVNI POZIV CSSP

#### Aplikaciona dokumentacija i podobnost za apliciranje:

**Pitanje 1:** Da li se u slučaju partnerskih aplikacija popunjavaju i dostavljaju odvojeni aplikacioni obrasci (forme) za glavnog aplikanta i partnera?

**Odgovor:** Ne, u slučaju partnerskih aplikacija, popunjava se i dostavlja jedan aplikacioni obrazac, u koji se unose podaci i za glavnog aplikanta i za ključnog partnera. Sastavni dio aplikacionog obrasca su i tri dodatka: Dodatak I – Podaci o projektima u sektoru implementiranim u protekle tri godine, Dodatak II – Podaci o referencama i Dodatak III – Lista za provjeru.

Pored aplikacionog obrasca, kao prateća dokumentacija, i za glavnog aplikanta i za partnersku organizaciju (ključnog partnera), dostavlja se sljedeća dokumentacija: finansijski izvještaji u elektronskoj formi, rješenja o registraciji, organigrami. Dodatno, partnerska organizacija (ključni partner) dostavlja potpisanu (sa pečatom organizacije) skeniranu Izjavu o partnerstvu. Obrazac ove izjave nalazi se na posljednjoj strani Uputstva za aplikante.

**Pitanje 2:** Šta se podrazumijeva pod finansijskim izvještajima?

**Odgovor:** Pod finansijskim izvještajima, u kontekstu ovog javnog poziva, podrazumijevaju se bilans stanja i bilans uspjeha za posljednju fiskalnu godinu.

**Pitanje 3:** S obzirom da je rok za dostavu aplikacija 31. januar 2014, te vjerovatno neće biti završeni finansijski izvještaji za 2013. godinu, mogu li se dostaviti izvještaji za 2012. godinu?

**Odgovor:** Ukoliko organizacije nemaju završene finansijske izvještaje za 2013. godinu do momenta slanja aplikacije, mogu dostaviti finansijske izvještaje za 2012. godinu.

**Pitanje 4:** Šta ukoliko je aplikant nedavno registrovana organizacija i nema finansijske izvještaje za prethodnu godinu i ne može dostaviti informacije o prethodno realizovanim projektima?

**Odgovor:** Potrebno je naglasiti u aplikaciji o čemu se radi i zašto se ne dostavljaju traženi podaci. Aplikacija zbog ovoga neće biti diskvalifikovana.

**Pitanje 5:** Da li se mogu dostaviti aplikacije popunjene na engleskom jeziku?

**Odgovor:** Ne, aplikacije i prateća dokumentacija se dostavljaju isključivo na jednom od službenih jezika Bosne i Hercegovine.

**Pitanje 6:** Da li na ovaj javni poziv mogu aplicirati privredne komore?

**Odgovor:** Ne, ovaj javni poziv je otvoren isključivo za organizacije sa statusom udruženja ili fondacije, koje su registrovane u skladu sa važeći zakonima o udruženjima i fondacijama.

**Pitanje 7:** Da li na ovaj javni poziv mogu aplicirati liječničke/doktorske komore?

**Odgovor:** Ne, ovaj javni poziv je otvoren isključivo za organizacije sa statusom udruženja ili fondacije, koje su registrovane u skladu sa važeći zakonima o udruženjima i fondacijama.

**Pitanje 8:** Dal li na ovaj javni poziv mogu aplicirati javne zdravstvene ustanove?

**Odgovor:** Ne, ovaj javni poziv je otvoren isključivo za organizacije sa statusom udruženja ili fondacije, koje su registrovane u skladu sa važeći zakonima o udruženjima i fondacijama.

### **Partnerske aplikacije:**

**Pitanje 9:** Da li je moguće aplicirati sa više ključnih partnera, a ne samo sa jednim?

**Odgovor:** Ne. Ovim javnim pozivom je predviđeno da se aplikacije mogu podnijeti u partnerstvu sa najviše jednom partnerskom organizacijom (ključnim partnerom). Dakle, aplicirati mogu najviše dvije organizacije od kojih je jedna glavni aplikant, a druga ključni partner.

**Pitanje 10:** Da li partnerske organizacija (ključni partner) može biti iz vladinog sektora (npr. klinički centar, ministarstvo, fakultet i sl.)?

**Odgovor:** Ne, ključni partner mora zadovoljiti iste kriterije kao i aplikant, što znači da moraju biti bosanskohercegovačke organizacije (udruženja ili fondacije) registrovane u skladu sa važećim zakonima o udruženjima i fondacijama.

**Pitanje 11:** Da li su dozvoljene partnerske aplikacije sa organizacijama registrovanim izvan BiH?

**Odgovor:** Ne, partnerske aplikacije sa stranim organizacijama nisu moguće. Partnerske organizacije (ključni partneri) moraju zadovoljavati iste kriterije kao i glavni partner, a to znači da moraju biti bosanskohercegovačke organizacije (udruženja ili fondacije) registrovane u skladu sa važećim zakonima o udruženjima i fondacijama.

**Pitanje 12:** Koliko aplikacija može dostaviti jedna organizacija?

Odgovor: Jedna organizacija se može pojaviti kao glavni aplikant ili ključni partner u maksimalno dvije aplikacije, u dva različita sektora. Dakle, jedna organizacija se može pojaviti (1) kao aplikant u dvije aplikacije u dva različita sektora ili (2) kao ključni partner u dvije aplikacije u dva različita sektora ili (3) kao glavni aplikant u jednom sektoru i ključni partner u drugom sektoru.

**Pitanje 13:** Da li jedna organizacija može, unutar jednog sektora /oblasti javnog poziva, aplicirati kao glavni aplikant, a drugi put u okviru istog sektora kao ključni partner nekoj drugoj organizaciji?

Odgovor: Ne. Unutar jednog sektora, jedna organizacija može aplicirati samo jednom. Na organizaciji je da procijeni i odluči da li će aplicirati kao glavni aplikant ili ključni partner.

**Pitanje 14:** Da li jedna organizacija može biti partner sa dva različita nosioca projekta u istom sektoru?

Odgovor: Ne, unutar jednog sektora organizacija može aplicirati samo jednom.

**Pitanje 15:** Koliko aplikacija je moguće odobriti istoj organizaciji?

Odgovor: Ukoliko je organizacija aplicirala kao glavni aplikant sa dvije aplikacije (u dva različita sektora), moguće je odobriti samo jednu od ove dvije aplikacije.

Ukoliko je jedna organizacija aplicirala kao glavni aplikant u jednom sektoru, te kao ključni partner u drugom sektoru, a obje aplikacije su u svojim sektorima ocijenjene najboljim, moguće je odobriti obje aplikacije. Ipak, tokom II faze dodjele grantova i kreiranja projektnih prijedloga, ova organizacija neće moći dobivati sredstva za održivost po osnovu oba sektora, nego samo po osnovu onog sektora u kojem je glavni aplikant.

**Pitanje 16:** Da li se, u slučaju odobravanja aplikacije, i kasnije projektnih prijedloga, ugovori zaključuju i sa glavnim aplikantom i sa ključnim partnerom?

Odgovor: Grant ugovor će biti zaključen samo sa glavnim aplikantom, i ova organizacija biće odgovorna za upravljanje projektima u programskom i finansijskom smislu prema CCI/CPCD.

### **Sektori / oblasti javnog poziva i sektorske mreže stejkholdera:**

**Pitanje 17:** Da li se pod sektorom Obrazovanja misli na formalno ili neformalno obrazovanje?

Odgovor: U okviru ovog javnog poziva, pod sektorom "4. Obrazovanje" primarno se podrazumijeva rješavanje problema formalnog obrazovanja. Ipak, ostavljamo mogućnost da se buduća sektorska mreža stejkholdera, nakon svog formiranja, jednim dijelom bavi i problemima neformalnog obrazovanja, ukoliko oni budu identifikovani kao neki od prioriteta u ovoj oblasti.

**Pitanje 18:** U okviru kojeg sektora mogu aplicirati omladinske organizacije u vezi sa rješavanjem problema mladih u BiH?

Odgovor: U okviru ovog javnog poziva niti jedna oblast se ne bavi isključivo problemima mladih. Ipak, evidentno je da unutar većine oblasti / sektora javnog poziva se nalaze i problemi mladih, te je, u tom smislu, moguće uključivanje i omladinskih organizacija u ove sektore i sektorske mreže stejkholdera.

**Pitanje 19:** Šta se podrazumijeva pod marginalizovanim grupama?

Odgovor: Pod marginalizovanim grupama smatraju se socijalno isključene grupe uskraćene za pristup određenim socijalnim, ekonomskim, političkim i kulturnim pravima koja su dostupna drugima.

**Pitanje 20:** Da li je neophodno uz aplikaciju dostaviti poseban spisak stejkholdera koji će biti uključeni u sektorsku mrežu?

Odgovor: Vašu viziju razvoja sektorske mreže stejkholdera, uključujući i konkretne informacije o stejkholderima koje planirati uključiti u mrežu, te njihov spisak, možete navesti u Aplikacionoj formi u sekciji „6.1. Razvoj sektorske mreže stejkholdera“.

### **Vrednovanje aplikacija:**

**Pitanje 21:** Šta je to lokalna savjetodavna grupa?

Odgovor: Lokalna savjetodavna grupa je tijelo koje će vršiti vrednovanje aplikacija pristiglih na ovaj javni poziv. Ova grupa je sastavljena od predstavnika civilnog društva, biznis sektora, te predstavnika vlasti, i ima osnovni zadatak da vrednuje aplikacije, te identifikuje najbolje rangirane aplikacije u svakom od sektora.

**Pitanje 22:** Koliko aplikacija će biti odobreno u jednom sektoru?

Odgovor: Planirano je da se u svakom sektoru odobri po jedna – najbolje rangirana aplikacija, pod uslovom da ostvari minimalno 60 bodova u procesu vrednovanja.

**Pitanje 23:** Da li će partnerske aplikacije biti preferirane i bolje ocijenjene tokom vrednovanja projekta?

Odgovor: Partnerske aplikacije neće imati privilegovan položaj tokom vrednovanja u odnosu na aplikacije samo jedne organizacije. Partnerstvo sa drugom organizacijom (ključnim partnerom) treba biti opravdano i logično, a opravdanost partnerstva treba pojasniti i predstaviti u

aplikacionoj formi. Partnerstvo ne treba biti *pro forme*, nego suštinsko, koje će podići kvalitet ukupne aplikacije, ali i sektorske mreže stejkholdera i njenog djelovanja na viši nivo.

**Pitanje 24:** Da li je prethodno iskustvo u sektoru eliminatorni kriterij tokom vrednovanja aplikacija?

Odgovor: Prethodno iskustvo nije eliminatorni kriterij, ali će organizacije bez iskustva u sektoru ili sa malim iskustvom, vjerovatno dobiti niže ocjene u okviru bodovnih kriterija u kojim se razmatra prethodno iskustvo u sektoru, dostignuća u sektoru, prethodni odnos sa stejkholderima u sektoru, reference i sl.

### **Implementacija odobrenih projekata:**

**Pitanje 25:** Kada će biti odobrena prva sredstva i početi implementacija projekata za organizacije koje budu identifikovane ovim javnim pozivom kao sektorski partneri?

Odgovor: Plan je da sva grant sredstva za sektorske partnere budu ugovorena tokom 2014. godine. Očekujemo da bi implementacija prvih projekata, koji se odnose na uspostavljanje sektorskih mreža stejkholdera, mogla početi okvirno u maju 2014. godine.

**Pitanje 26:** Da li će se projekti koje budu implementirali sektorski partneri u kasnijoj fazi, realizovati paralelno po sva tri osnova (1. razvoj sektorskih mreža stejkholdera, 2. kreiranje i realizaciju strategija održivosti i komunikacije sa građanima, 3. kampanje javnog zagovaranja za rješavanje prioritetnih problema identifikovanih kroz sektorske mreže stejkholdera), ili će se realizovati sukcesivno, jedan za drugim?

Odgovor: U prvih par mjeseci (okvirno od maja 2014) organizacije će implementirati samo jedan projekat (za razvoj sektorske mreže), zatim nakon odobravanja drugog projekta (za kreiranje i realizaciju strategija održivosti i komunikacije sa građanima) paralelno će započeti i njegova implementacija, te na kraju, počinje paralelna implementacija i trećeg projekta (kampanje javnog zagovaranja za rješavanje prioritetnih problema identifikovanih kroz sektorske mreže stejkholdera).

**Pitanje 27:** Da li je moguće davati podgrantove članovima sektorske mreže stejkholdera?

Odgovor: Neće biti moguće davati podgrantove drugim članicama sektorske mreže stejkholdera unutar budućih projekata na programu CSSP. U budžetu odobrenih projekata moći će participirati samo glavni aplikant i ključni partner, ukoliko je predviđen u I fazi apliciranja. Međutim, biće moguće predvidjeti određene operativne troškove za rad i funkcionisanje sektorske mreže stejkholdera.